

Abapfuye bari hehe? (Igice ca 1)

Bishingiye ku kigabane ca 6 c'igitabu *Mu vy'ukuri Bibiliya yigisha iki?* Ico gitabu kiraboneka kuri jw.org.

INTUMBERO: Gusuzuma ivyo wemera n'igituma uvyemera, gusuzuma ivyo Bibiliya yigisha, be no kubona ukuntu wosigurira abandi ivyo wemera.



BITUGENDERA GUTE IYO DUPFUYE?

1 SUZUMA IVYO WEMERA

Wibaza ko abandi bokwishura gute ico kibazo?

Wewe wocishura gute?

Kubera iki wocishura gutyo?

2

SUZUMA IVYO BIBILIYA YIGISHA

Iyo dupfuye tuba turetse kubaho.

(Raba ikigabane ca 6 c'igitabu *Ivyo Bibiliya yigisha*, ingingo ya 1-6)

Soma Umusiguzi 9:5, 10.

Iyo mirongo yerekana gute ko ata kintu kidapfa kiri muri twebwe?

Ni akarorero akahe wotanga kugira werekane ko iyo umuntu apfuye ata hantu na hamwe *aja* ahubwo ko gusa aba aretse kubaho?



Igihe urubeya ruzimye, nta hantu na hamwe *ruja*, rurakamangana gusa. Muri ubwo buryo nyene, mu gihe umuntu apfuye nta hantu na hamwe abandaniriza kuba, aba aretse gusa kubaho

Umuntu apfuye aba ameze nk'uwuri mw'itiro rinini ata n'ukurota.

(Raba ikigabane ca 6 c'igitabu Ivyo Bibiliya yigisha, ingingo ya 7, 8.)

Soma Yohani 11:1-14.

Wibaza ko ari kubera iki Yezu yagereraniye urupfu no kuruhukira mw'itiro?

Soma Iyakozwe 7:60 na 1 Abakorinto 15:6.

Ni gute ibi vyanditswe vyerekana kandi ko urupfu rumeze nk'itiro?

Kubera iki ushima kuba uzi ukuntu bigenda iyo umuntu apfuye?

3 SIGURA IVYO WEMERA

HAGIZE UWUKUBWIRA ATI: ...

Iyo umuntu apfuye hariho ikintu kiri muri we kibandanya kubaho.

WOSHOBORA KUVUGA UTI: ...

Amadini menshi arigisha ko ari ukwo biri. Ariko jewe siko nemera kubera ko ...

Ni icanditswe ikihe wokwerekana uwo muntu?

Ufise mu bwenge ukuntu uwo muntu abona ibintu, womufasha gute kuzirikana kuri ico canditswe?

HAGIZE UWUKUBWIRA ATI: ...

Imana ihanira abanyakibi mu muriro udahera.

WOSHOBORA KUVUGA UTI: ...

Ni ivy'ukuri ko Imana izohana abanyakibi. Ariko sinemera ko ibabaza abantu mu muriro udahera kubera ko ...

Ni icanditswe ikihe wokwerekana uwo muntu?

Ufise mu bwenge ukuntu uwo muntu abona ibintu, womufasha gute kuzirikana kuri ico canditswe?
